

續後漢書札記

一



續後漢書札記

—
郁松年
撰

中華
書
局

續後漢書札記

此據宜稼堂叢書
本排印初編各叢
書僅有此本

漢不亡於鍾鄧而亡於陳壽。鍾鄧滅漢而漢存。陳壽志蜀而漢亡。是書與蕭先生常書並名。續後漢。復漢之號。紹漢之統。皆存漢之書也。顧是書之存亦僅矣。原編殘闕。傳寫益滋譌舛。余幸其僅有存。亟爲攷訂。既校刻清容刻源二集。爰取陳志諸善本。參以范史。晉書。綜覈彙正。其博涉他書及荀氏注。館臣原校所徵引。壹檢其本。自庚子仲秋。迄壬寅季春。始克藏事。乃擇諸書同異。暨所以增刪改易者。釐爲札記四卷。以附書末。注文與本文參雜不別。惟標明原校。無可據則存疑互見。蕭書札記則從略。寫本故有校者。多從陳志。范書。晉書。悉遵付梓。既有未安。因別爲或校誤者。辨焉。帙繁。墨漏。踳駁。愈益難免。惟盡區區之心。庶有合於郝先生存漢之心。與編是書寫是書以存是書者之心云爾。札記刊未畢。歲夷不靖。余大懼是書之散亡。夷氛息。鳩工卒事。至是告竣。謹識顛末。弁札記首。道光二十有二年壬寅季冬。上海郁松年奏。

峯氏書於宜稼堂。

續後漢書札記卷第一

上海郁松年泰峯氏識

寫本每葉十六行，行二十一字。

原序遂常懷此。常誤嘗。案書中常嘗多淆亂。後悉改。竊所悼惜。竊誤切。案書中竊多作切。後悉改。又清四海。又誤又。定千載之盛功者。千誤十。案書中千十多淆亂。後悉改。昔其工伯有九州。伯誤百。何者。隗囂據隴。脫何者。繫于所爲。不繫所藉。繫並作係。案書中繫多作係。後未悉改。或藉之以應天。脫之字。並從晉書習鑿齒傳。三祖之寓于魏世矣。習鑿齒傳。祖作宗。案懿號高祖。師號世宗。昭號太祖。二祖一宗。從祖爲允。義未盡。故假途以運高略。脫義未盡。從習鑿齒傳。有民人社稷者。民人誤倒。互相排黜。黜作斥。從通鑑。案書中黜多作斥。後未悉改。比之窮新窮誤穹。則陳氏何所授。授通鑑作受。案陳受梁禪。不得云無所受。滅於隋。則無所授。作受誤。苻姚苻誤符。後漢後周年號。脫後漢。並從通鑑。魏主丕如洛陽。主誤王。從綱目。案書中王主多淆亂。後並改。青青千里草。草誤章。案千里草。何青青漢末童謠。見志董卓傳注。杖鉞西南疆。疆誤強。案書中疆疆多淆亂。後並改。祀漢配彼天。天作蒼。後賢盡更張。盡誤合。後序同。千載徒悲傷。徒誤彼。並從朱子詩集。乃破棄發凡。棄誤蕤。後序同。從說文。以昭烈纂承漢統。纂誤纂。案書中纂纂多互易。後並改。祛操丕之。

鬼蜮操誤曹

新注序吳史則韋昭吳書昭作囑案囑晉人避文帝諱改此不當沿晉稱今改正書中則仍郝君本文又昭字宏嗣名當作召穆之召昭亦假借今宜撫陵川先生撫作相案苟宗道是郝經掾屬下自稱宜撫司都事相爲撫誤明矣

目錄

年表卷一脫卷一兩字

列傳第十六楊容附姚仙仙誤仞

第十八霍峻附子弋弋誤戈後標目及議贊同

第二十二常播常誤當

第二十六上曹操卞夫人曹丕甄后郭后案操丕旣已削爵則家人傳宜從晉書苻登妻毛氏之例書夫

人書后體例殊舛吳家人傳同

第二十六下曹子上臨邑殤公公誤王曹子乘穀城殤公城誤陽從志標目

第二十七曹休附子肇肇孫據脫子肇肇孫據從標目及傳

第三十程昱昱誤晃劉曄曄作煜書中並同後悉改

第三十一張郃郃誤郤

第三十三徐奕徐誤余從標目及傳文

第四十一杜畿附子恕恕誤怒

第四十六孫策策誤从束從說文後並改

第四十八孫亮候官候候誤侯從志及續漢志案書中候多誤侯後並改

第四十九孫亮全后附父尙脫父尙從標目

第五十六朱然附子施績績誤續從志及標目

第五十八全琮琮誤綜潘濬附芮元脫芮字並從志及標目

第六十五臧洪附陳容脫陳容從標目

第六十六中管寧附張珩珩誤臻從志及標目

第七十二上司馬懿附子師昭師昭誤倒從傳文

第七十二下荀顗顗標目及傳文並作覲誤

第七十三鄧艾傳附州泰泰誤秦從志及標目案書中泰多誤秦後並改

第七十五許允妻允誤充從標目及傳文

第七十七上湟中月氏胡氏湟誤涅從標目案湟水名見水經注月氏胡乃胡種非氏種此誤標目及原校同

第七十八倭人脫人字。從標目及原校。

錄第一上伏義作逆職。案標目作伏義。錄文並作伏職。賈侍中曰。職非古文。今並從標目。徵引典籍。則各從所本。

第三并州五郡四字脫。從標目。

第四下中宮官東宮官作東宮中宮官。脫上官字。誤合爲一。從標目錄文。

第五上下五祀二字脫。從標目錄文。

第八上兵制二字脫。從標目。

原校玉衡真觀等書。玉誤王。案書中玉王多淆亂。後並改。

卷第一年表闕。寫本無此葉。據卷八十八錄第六刑法闕補。

卷第二帝紀第一

義例。從史義烈。史誤更。案從史與愆通同。見通雅。則凡而不目。云目誤因。

昭烈皇帝紀。元狩六年封貞涿縣陸城亭侯。志同。攷異曰。漢書王子侯表。陸城侯貞以元朔二年六月封西京。無亭侯。亭亦衍文。地理志中山國有陸城縣。貞以王子封侯。因改隸涿縣。案此涿縣之縣。亦郡之誤文矣。坐酎金失侯。酎誤酌。案書中酎多誤酌。後並改。子康王昆修嗣。二十一年薨。脫二字。從班書中山王傳。廣望節侯忠。皆坐酎金失侯。案班書王子侯表。中山王勝子侯者十有九。坐酎金失

侯者十人，忠不在其中。子孫傳封五世。元起妻曰：妻曰誤倒。從志。其有軍功爲長吏者，吏誤史。案書中史吏多淆亂，後並改。督郵至縣，璽作到。督郵在傳舍，在作到。或校並從志注。初平元年，劫帝西遷長安，劫誤劫。案說文：劫从力，後並改。二年，攻瓊所置青州刺史田楷，刺誤刺。案說文：刺从東从刀。在東部。晉戾，刺在刀部。从刀从束，書中刺多誤刺。後並改。使爲田楷拒紹，志同。通鑑作使與田楷徇青州。三年，李傕催誤催。案通鑑注：催音古岳反。字从人从窞，後並改。興平元年，謙以丹陽兵四千益之。陽志作揚。詳蕭書札記。不宜揖讓。揖誤抑。志無此四字。建安元年，曹豹曹誤曾。從志注。從事糜竺糜誤靡。從志糜竺傳。八月，曹操劫帝遷許。志作九月。此從范書。表昭烈爲鎮東將軍。案志：鎮東之表在拒袁術于盱眙下。郭嘉等謂操曰：備有英雄之志，今不早圖，後必爲患。案通鑑或勸操圖昭烈，操以問嘉。嘉止之。志郭嘉傳注同。程昱傳但言昱說太祖殺備。此似誤。四年夏四月，袁術欲經徐州北就袁紹。北誤此。從志。案書中此北多誤。後並改。五年，原校今志作蔡楊。宋本作揚。與此合。案馮翊毛三本並作陽。十三年，以諸葛亮爲軍師，以下衍歸字。脫軍字。以偏將軍趙雲爲桂陽太守。脫以字並從通鑑。十四年，昭烈立營于油口。志注同。或校云：油下脫江字。案通鑑亦作油口。胡三省曰：水經南平郡房陵縣有油水西北注于江。曰油口，卽劉備立營處也。十五年，未可與動。興誤與。從志。案書中興與多淆誤。後並改。昭烈自住房陵，房志注作潺。案志呂蒙傳：通鑑皆作房。水經江水三又東經南平郡房陵縣樂鄉城北，亦不從水。說文：潺在新附。訓水聲。十六年前後贈遺巨傳。

計。臣誤臣。十七年松兄廣漢太守蕭漢誤陵並從志。召韓白冰督楊懷實以無禮斬之。志同。龐統傳作楊懷高沛通鑑同。十八年原校蜀志無吳懿二字。案此據志楊戲輔臣贊吳子遠贊注。十九年彭縉又璋之所排擯也。案志毛本同。馮翁本誤。二十二年并擊巴賈破之。志無此六字。張飛傳同。案并當作遂。六字當在上。遣黃權將兵迎張魯。魯已降下。黃權傳遂擊朴胡杜濩。任約破之。通鑑以三人爲巴賈夷帥。其證也。二十一年曹操自立爲魏王。脫立字。案前曹操自立爲魏王。自下有立字。二十二年又遣雷銅等入武都。原校云陳志作入成都。案馮翁毛三本並作武都。二十四年原校張郃傳淵死還陽平。陽平誤倒。從志。天子以謝服非令名。令誤今。從志注。案書中今令多淆亂。後並改。舜臣堯臣作相。案注引左傳。故改從左氏。放蔡叔霍叔脫放字。從史記周紀。又周紀無霍叔。而遭厄運。厄作危。觀其機兆。觀作觀。大有閭樂之禍。大誤天。並從志。前卽二世卽誤耶。從史記秦紀。敦敍九族。敍作序。或校從志。推融行河西五郡大將軍事。推誤摧。從范書竇融傳。臣等退伏矯罪。伏誤休。從志。兄弟之國者。兄上衍封其二字。從左傳。犬戎殺幽王。犬誤天。從史記周紀。九國燕代齊趙梁楚吳淮南長沙也。案長沙異姓。不在九國中。當以淮陽足之。又高祖時同姓封者十一人。其曰九國者。荆王賈無後。代王喜棄國。更以代封如意。如意徙趙。乃封文帝。所獲已過。過誤遙。臣退惟寇賊不梟。退誤恨。驚怖累息。怖誤怖。因驛上還所假左將軍宜城亭侯印綬。左誤在。並從志。案書中左在多。淆亂。後並改。章武元年勸學從事張奭。奭志作爽。蕭書同。有氣如旗。旗作旂。

加是年加誤如。並從志。案書中旗旂加如多淆亂。後悉改。光祿勳黃權。志同。蕭書作柱。音義有辨。問黃龍見武陽赤水。陽作揚。從志。案續漢志。武陽犍爲縣。又前關羽圍樊。襄陽。襄陽男子張嘉王休獻玉璽。脫襄陽二字。案張嘉王休蓋襄陽人。乾祇降祚。祚作祥。名諱昭著。諱誤諸。並從志。之武都。擠土。武志注誤戌。高十丈。十志注作七。上庸致其書。脫上庸。從志注。二年于夷道。號亭駐營。營誤營。從志。帝大慙。悲慙。悲作悲。慙。從志。陸遜傳。黃權在江北。北誤左。三年殆不自濟。殆誤始。從志。書中始殆多淆訛。後並改。吾復何憂。吾作朕。或校從志。古今之盛軌也。軌誤軼。大夫曰卒。夫誤人。

議。生澆及豷。豷誤瘡。下滅豷同。使澆滅斟灌氏。使誤便。並從左傳。殺幽王驪山下。王下衍于字。從史記。吳本伯爵。爵誤霸。繇氏。繇誤維。

贊。於赫漢道。於誤于。易九尾曰。九尾。漢書攷異曰。應作无妄。蓋字形相涉而譌。次三百七十四陰九陰誤陽。凡四千六百一十七歲。脫一字。並從班書律歷志。

卷第三帝紀第二

義例。晉謂孫皓爲後主。歸命侯。謂誤爲。書中謂爲多互易。後並改。

末帝紀。可不勉與。三年夏四月。三年提行。或校從志不提行。案志不提行。以下建興元年提行也。郝君以建興元年即章武三年。不踰年改元。故以三年提行。下書改元建興。削去元年。然建興無正月。非無元。

年據事直書其失自見。三年本繫章武已具昭烈紀中。此處不應復提行。生一子脫一字。相檢訊。檢誤驗。並從志注。秋八月遣尙書郎鄧芝脩好于吳。案郎字衍。此沿志之誤。詳見卷二。五年二十餘萬。志注作二十萬衆。而封王侯。而下衍威海內三字。封下衍立字。放逐義帝而自立。脫自立。而不自責過矣。脫而字矣。誤失。非用兵之罪也。脫也字。並從史記。支富富誤當。從志注。圍趙襄子于晉陽。脫襄字。從趙策。誅其元惡。志注作貸其元帥。七年春右將軍亮伐魏。脫亮字。豫青徐幽屬吳。吳作孫。從志陳震傳。九年夏六月亮擊魏將司馬懿于鹵城。大破之。殺其將張郃。案通鑑亮破郭淮費曜于上邽。敗懿于祁山。殺郃于木門。志木門作青封。郃傳亦作木門。十一年冬丞相亮使諸軍集斜谷口。脫口字。從志通鑑。十二年初大赦。案章武建興改元皆大赦。此不得爲初。十三年春脫春字。以蔣琬爲大將軍錄尙書事。脫事字。並從志。十五年秋七月皇后張氏崩。志作夏六月。蕭書同。延熙元年暴秦之亡。暴志蔣琬傳作曩。二年夏以大將軍琬爲大司馬。志作春三月。通鑑在夏四月後。四年夏大司馬琬徙屯涪。四年夏志作六年冬十月。案通鑑琬請徙屯涪在曹芳正始二年。漢延熙四年也。三年書姜維率偏軍還住涪。四年書琬還住涪。是請徙在延熙四年。徙屯在六年。此誤。蓋軍府非可猝立。得請先使維還規置營落。然後徙大軍。五年春正月監軍姜維。志同。案監軍上當有中字。見志蔣琬傳。蓋蜀有前後左右中五軍。監軍亦有五。時維爲中軍監軍。六年冬十月遣前監軍王平督漢中。案志王平傳初副吳壹住漢中。領太守。後代壹督漢中。不言兼領太守。延熙元年

蔣琬住沔陽，更爲前護軍署府事。六年琬還，住涪，拜平前監軍。鎮北大將軍統漢中，是琬未住漢中時，平已督漢中。及琬住漢中，則自平以下皆屬焉。故平更爲前護軍，及琬徙涪，漢中無帥，復拜平前監軍爲督。是平本在漢中，卽拜前監軍。此作遣前監軍，誤。通鑑以漢中太守王平爲前監軍，鎮北大將軍督漢中，亦誤。時平不領太守，自前護軍拜前監軍。八年冬十一月，大司馬琬薨，原校蜀志：蔣琬卒在九年冬十一月。查琬傳亦云：至九年薨。案通鑑：琬卒在正始六年，時漢延熙八年也。此沿其誤。九年以涼州刺史姜維爲衛將軍，與大將禪並錄尚書事。志：姜維傳：遷衛將軍在十年。此從通鑑。案拜維爲禪副，以蔣琬薨也。琬薨在九年冬，維當卽以是冬拜衛將軍。後主傳：十年春，治無戴等降。書：衛將軍姜維迎逆安撫，則其拜爵在前明矣。十年春，涼州胡王白虎文治無戴等率衆降。衆下衍等字。從志。十六年，衛將軍姜維伐魏，圍狄道。通鑑同。志作南安。案晉志：狄道隴西縣。胡三省曰：漢靈帝中，平四年分漢陽之獬道立南安郡。南安狄道未知孰是。十七年冬十月，姜維拔狄道，河間臨洮三縣民居于縣竹繁縣。民居誤倒。從志。維與魏將徐質戰于河間，敗績。邊寇將軍張嶷死之。志無此二十字。案姜維傳：維降狄道，進圍襄武，破徐質，乘勝多所降下。拔河間狄道，臨洮三縣民還。是維之棄地遷民，非由軍敗。殆以糧盡。張嶷傳：旣到狄道軍前，與魏將徐質交鋒。嶷臨陳隕身。然其所殺亦過倍。通鑑：姜維自狄道進拔河間臨洮，將軍徐質與戰，殺其邊寇將軍張嶷。漢兵乃還。溫公以張嶷之死不見維傳，疑維先拔河間臨洮，以兵敗還師，遂刪拔民一節。不知漢喪張嶷而破徐質，猶楚亡陽句而敗吳師，進拔河

間臨洮。卽維傳所云乘勝多所降下。此從通鑑。并置拔民一節于前。似維既拔民還蜀。復出軍與徐質戰。誤甚矣。十九年詔以維爲後將軍。脫後字從志姜維傳。二十年冬十二月。後將軍維伐魏。景耀元年。後將軍維還成都。後並誤衛。案維十九年貶後將軍。炎興元年。自非通明智達。智達誤倒。或校從志注。道紹良先還。紹誤趙。二年太子璿誤叡。君人之道也。人誤子。是用應天順民。誤是用順天應民。並從志。以享無疆之休。享下志有左右二字。又國不置史。記注無官。南監本陳志黃汝良序云。後主紀云。史官景星見。豈是時史官主職。祥不司記注耶。猶有未周焉。脫有字。從志評。案蜀志稱王崇補東觀許蓋掌禮儀二句。見史通史官浦起龍篇通釋云。王崇許蓋蜀志併松之注。皆無效。惟華陽國志有述作。王崇名見卷末。官爲蜀守。而不曾補東觀。至掌儀許蓋仍亦絕無其人。案許蓋疑是許慈之誤。志許慈傳與孟光來敏典掌舊文。孟光傳與許慈等並掌制度。是慈不獨攷正文籍。兼典禮儀矣。

卷第四上列傳第一上

昭烈甘皇后傳。追尊皇妣梁貴人爲皇太后。脫尊字。從范書孝和紀。

穆皇后傳。何與晉文之于子圉乎。與作異。或校從志。

張皇后傳。李昭儀曰。我不能二三屈辱。脫我字。從志注。

議。利女貞作女貞吉。從易家人。呂氏上官氏。脫下氏字。而弟絕幸爲昭儀。弟誤帝。從班書孝成趙皇后。

傳。尊爲皇太后。皇太后誤作太皇太。從班書孝元傳昭儀傳。易祖師師誤師。從班書丁姬傳注。祖始也。丁寬易家之始師。牀第之間。第誤第。昭儀位視丞相。承誤承。從班書外戚傳序。帝太太后。皇太后作皇太后。帝太后案孝元傳昭儀傳。稱帝太太后。在稱皇太太后前。丁姬止稱帝太后。知二句誤倒。言宜立丁姬爲帝太后。丁姬班書師丹傳作定陶共王后。案外戚傳共王后張氏。丁姬乃共王妾。如長信宮中宮。下宮字誤官。其尊恭皇太后爲帝太后。丁后爲帝太后。脫下帝字。並從傅昭儀傳。案恭皇太后卽定陶恭王母傅昭儀也。帝太太后下哀紀有稱永信宮四字。卷第四下列傳第一下。

魯王永傳。小子永。受茲青社。小作少。社作土。脫承天序。序誤子。或校並從志。

梁主理傳。往悉乃心。往誤性。從志。

贊齊悼惠王肥。脫惠字。從班書。

卷第五列傳第二

標目。劉焉附任安。任誤仕。從目錄。案書中任仕多互易。後並改。

陳王寵傳。子寵嗣。脫子字。從范書陳敬王羨傳。俊字孝遠。烏傷人。傷誤陽。陳敬王傳注作桓。案班志會稽有烏傷。烏程二縣。續漢志烏程分屬吳郡。止存烏傷。陽蓋傷之形誤。是時諸國無復租祿。是時作自是。案黃巾董卓寇亂相繼。諸國租祿時已久絕。非由陳破敗始也。從陳敬王傳。東海恭王強後改。

陽侯漢案范書東海恭王傳懿王祗初平四年遣子琬至長安獻帝封琬汝陽侯祗立四十四年薨子羨嗣是封汝陽侯者琬非羨也此誤不得遷徙仕宦官誤宦

劉繇傳父與一名方有雋才案范書劉繇傳不言方有雋才志注云繇皆俊有俊才此誤自若耶山谷間遮龍自誤放從范書劉繇傳或校云放疑作於案龍傳作自若耶山谷間出入人齋百錢送龍是父老本住若耶出山送龍非於山間遮龍也入居九列入誤八案書中入八多淆誤後並改會稽富實實誤貴若收合吏民收誤牧並從志注原校志注無此五字脫注字案原校多以志注爲志原注多沿志注臣松之文後未悉改其改者亦不更記孟德景升孟誤蓋從志注捐既往之猜猜誤精從志保六尺之託保志作報青州黃巾大入州界入誤人從志武紀

劉表傳宣靖公緒恭緒誤緒志注同案范書黨錮傳作緒注公緒姓也號爲八顧案此非三君八顧之八顧志注云爲八交或謂之八顧又與汝南陳翔范滂魯國孔昱渤海苑康山陽檀敷張儉南陽岑暉爲八及及志注作友案范書黨錮傳八及有霍超無范滂此從陶潛羣輔錄范滂字孟博汝南細陽人范書滂傳作征羌人案來歙傳改汝南之當鄉縣爲征羌國而班志汝南無當鄉縣水經潁水又東南逕征羌縣注故召陵之安陵鄉安陵亭也與續漢志召陵有安陵鄉征羌侯國有有安陵亭合細陽班志并曰樂慶顏注云居細水之陽與征羌絕遠此從謝承書檀數字文友友范書敷傳作有宗賊甚盛而衆不附甚誤雖范書同從志注案下蒯良曰衆不附者仁不足也是衆不附表謂荊州人

不附己。雖義未協。愛民養士。養誤義。從范書。郊祀天地。祀誤祖。君爲我觀其釁。君誤昌。漢晉春秋脫漢字。並從志注。今與諸君據全楚之地。君誤軍。從志。案軍君書中多互易。後並改。心高志潔。智深慮廣。作心志高潔。智慮深廣。或校從志注。治中從事鄧義諫。治誤侍。范書同。從志注。案州佐無侍中從事。蓋因操以義爲侍中而誤。附刪。越求出爲汝陽令。佐汝誤南。從志。附劉先劉牧如何。郊祀天地。郊祀天地。馮本作郊天祀地。毛本脫祀字。地作也。

卷第七列傳第四

种劭傳。以身殉國。殉誤徇。不能除殘復怨。復誤服。並從范書种曷傳。議。殆無膏肓之疾。盲誤盲。

王允傳。附趙戢。關羽忠義。張飛勇而有義。案書中多以關侯爲關忠義。此羽字當衍。

卷第八列傳第五

韓遂傳。嘗爲天水關千尉。後失官。失誤共。州郡募發民有勇力者。脫發字。並從志馬超傳注。涼州牧韋瑞和解之。瑞誤端。從志馬超傳注。寬而多忌。多誤能。從志鍾繇傳注。魏黃初時脫時字。手書與行曰。脫行字。從志張既傳注。

議。肆獠賈怒。獠作獠。案字書無獠。當是獠之誤。操聞孫策定江東曰。獠兒難與爭鋒。跳跟河右。跟作跟。